

Scoil Fhionáin

An Fál Carrach



COVID-19 DRUIDIM SCOILE –LEASAITHE POLASAÍ:

Polasaí d'Úsáid Inghlactha (PUI) do Rochtain Idirlín

Aidhm

Tá sé mar aidhm ag an Pholasaí d'Úsáid Inghlactha seo a chinntiú go mbainfidh na daltaí tairbhe as na deiseanna foghlamtha a ofráilann acmhainní Idirlín na scoile dóibh i ndóigh shábháilte agus éifeachtach. Meastar go bhfuil úsáid agus fáil den Idirlíon ina acmhainn agus ina phribhléid scoile. Mar sin de, mura gclóifear le PUI na scoile tarraingeofar siar an phribhléid seo agus cuirfear pionóis fhóirsteanacha i bhfeidhm.

Siocair druid éigeandála na scoile ó Mhárta 2020, i rith paindéim COVID-19, tá athruithe déanta againn ar ár gcur chuige don teagasc agus an fhoghlaím le héascú a dhéanamh ar chleachtais foghlamtha ar-líne. Cuireann an doiciméad suas chun dáta seo treoir ar fáil do phobal na scoile fá na hathruithe seo.

Straitéis na Scoile

Úsáidfí an scoil roinnt straitéisí ar mhaithe le huasmhéadú a dhéanamh ar dheiseanna foghlamtha agus contúirtí a bhaineann leis an Idirlíon a laghdú.

Tig le múinteoirí tacaíocht a thabhairt dá gcuid daltaí fríd ardáin ar-líne macasamhail ríomhphost, SeeSaw, Google Classroom agus Zoom, agus teagmháil a dhéanamh lena dtuismitheoirí / gcaomhnóirí fríd WhatsApp, téacs, FaceTime. I ngach cás, tugtar cead tuismitheora/caomhnóra le cead a ticeáil ar an aip, sin nó freagra a chur le ríomhphost nó sonraí teileafóin a thabhairt don mhúinteoir.

Corr uair iarrann tuismitheoirí/caomhnóirí tacaíocht múinteora maidir le folláine nó féinspreagadh á bpáiste, agus tig le múinteoirí fáil i dteagmháil le tuismitheoir/caomhnóir faoi choinne an rud céanna a éascú.

I gcás Zoom, WhatsApp/FaceTime, táthar ag dréim go bhfanóidh tuismitheoirí/caomhnóirí sa tseomra leis an pháiste ar feadh fad iomlán an chruinnithe. I ngach cás, tá cosc docht ar thaifeadadh cruinnithe Zoom nó FaceTime ag na páistí.

Baineann na straitéisí leis an fhoireann agus na daltaí nuair atáthar ag úsáid acmhainní scoile, ag déanamh ionadaíocht don scoil nó ag caitheamh éide na scoile. Tá na straitéisí seo mar a leanas:

Ginearálta:

- I gcásanna nuair nach féidir an teagasc a dhéanamh i bhfoirgneamh na scoile, tig le múinteoirí agus Cúntóirí Riachtanais Speisialta (SNA), ag gníomhú faoi stiúir na múinteoirí, réimse d'ardáin ar-líne a úsáid, iad seo san áireamh:
- Google Classroom, Google Meet, Zoom, SeeSaw, Padlet, Teams, agus
- ardáin eile ceadaithe ag an phríomhoide, le cuidiú le cianteachas agus cianfhoghlaím.
- Shínigh an scoil téarmaí seirbhíse na n-ardáin ar-líne a úsáideann an scoil.

- Chumasaigh an scoil an sábháilteacht is deireanaí agus na gnéithe príobháideacha a chuireann na hardán ar-líne seo ar fáil.
- Cloífidh baill foirne le treoracha na scoile ar úsáid na n-ardán do theagmháil beo.
- Má bhíonn múinteoirí nó SNAiní ag úsáid Zoom, úsáidfear seoltaí ríomhphoist na dtuismitheoirí/na gcaomhnóirí do pháistí chun fáil a bheith acu ar cheachtanna nó cruinnithe.
- Caithfidh tuismitheoirí/ caomhnóirí cead a thabhairt faoi choinne a bpáistí a bheith rannpháirteach le múinteoirí agus SNAiní a úsáideann ardán ar-líne.
- Caithfidh tuismitheoirí/caomhnóirí aontú go ndéanfaidh siad monatóireacht ar rannpháirtíocht á bpáiste ina leithéid de cheachtanna agus a bheith sa tseomra leis an pháiste d'aon chruinniú nó rang duine le duine.
- Beifear ag dúil go leanfaidh na páistí treoracha na scoile ar iompar ar-líne. Déantar gach iarracht ar scoil chun sábháilteacht na bpáistí a chinntiú, le maoirseacht i gcónaí nuair atáthar ag úsáid an Idirlíon.
- Bainfear úsáid as socruithe Surfáil Sábháilte ar ghléasanna scoile ar mhaithe le íoslaghdú a dhéanamh ar neamhchosaint chuig ábhar neamhfhoirteanach.
- Cuirfear oiliúint ar fáil do dhaltáí agus múinteoirí i réimse sábháilteacht Idirlín agus Digital Citizenship. I rith druidim Covid 19, cuirfear tuismitheoirí/caomhnóirí ar aghaidh go www.webwise.ie chun treoracha a fháil ar shábháilteacht ar-líne.
- Níl sé ceadmhach bogearraí neamhcheadaithe a uaslódáil agus a íoslódáil.
- Úsáidfear bogearraí frithvíreas agus déanfar iad a thabhairt suas chun dáta mar is gá.
- Beidh cead múinteora de dhíth chun méaróg chuimhne pearsanta a úsáid.
- Bainfidh daltaí agus baill foirne úsáid as dea-mhúineadh maith i gcónaí. Ní dhéanfaidh siad aon ghníomh a mheasfaí drochmheasúil do bhaill de phobal na scoile nó míchlú a tharraingt ar an scoil.
- Tá fáil ag baill foirne na scoile ar gach uile chomhad a úsáidtear ar ríomhairí na scoile, ar a náirítear teachtaireachtaí ríomhphoist a chuireann agus a fhaigheann daltaí.
- Tig le gléasanna na scoile taifeadadh a dhéanamh ar shonraí a chonaic daltaí ar an Idirlíon. Tig le baill foirne na scoile athbhreithniú a dhéanamh ar na taifid seo.
- I gcás Ipads/ríomhairí a tugadh ar iasacht do theaghlach le linn druidim na scoile le linn Covid 19, beidh comhaontas sínithe ag tuismitheoir / caomhnóir faoina choinneáil slán agus cosaint an pháiste dá bhfuil á úsáid beartaithe.

An Gréasán Domhanda:

- Ní thabharfaidh daltaí nó baill foirne cuairt d'aon ghnó ar shuímh idirlín a bhfuil ábhar gáirsiúil, neamhdhlíthiúil, gránna nó seachas sin ábhar samhnasach ann.
- Ní úsáidfí daltaí an Idirlíon ach amháin do chuspóirí oideachasúla.
- Bhéarfar oiliúint do dhaltáí agus do bhaill foirne maidir le ceisteanna cóipcheart a bhaineann le hábhair ar-líne.
- Ní nochtfaidh agus ní fhoilseoidh daltaí chóiche a n-eolas pearsanta féin nó eolas duine ar bith eile.
- Beidh daltaí agus baill foirne feasach go bhféadfadh monatóireacht a dhéanamh ar úsáid den Idirlíon faoi choinne gníomhaíocht neamhghnách, slándáil agus/nó cuspóirí bainistíochta an ghréasáin.
- Ní shocróidh daltaí chóiche cruinniú duine le duine le duine éigin a “casadh” orthu ar an Idirlíon.

Ríomhphost:

- Ní thig le daltaí úsáid a bhaint as cuntais ríomhphoist atá ceadaithe ag a dtuismitheoir/ a gcaomhnóir ach amháin faoi mhaoirseacht nó le cead múinteora.
- Ní sheolfaidh agus ní bhfaighidh daltaí nó baill foirne d'aon ghnó aon ábhar atá neamhdhlíthiúil, gáirsiúil nó clúmhilleach nó a bhfuil sé d'intinn aige duine eile a ghortú nó a eagla a chur air/uirthi.
- Caithfidh daltaí cead a bheith acu ceangaltáin ríomhphoist a chur ar shiúl agus a oscailt.

Plé Idirlín:

- Ní bheidh fáil ag daltaí ach amháin ar fhóiraim dhiospóireachta nó ar fhóiraim leictreonacha cumarsáide eile atá ceadaithe ag an scoil.
- Ní bhainfear úsáid as fóiraim dhiospóireachta agus fóiraim leictreonacha cumarsáide eile ach amháin do chuspóirí oideachasúla agus beidh maoirseacht déanta air sin i gcónaí.

Meáin Shóisialta Scoile:

- I gcomhar lena gcuid múinteoirí, bhéarfad seans do na daltaí a gcuid oibre a fhoilsiú trí chuirí faoi stiúir na scoile ar SeeSaw nó seomraí ranga Google.
- Déanfaidh múinteoir comhordú ar fhoilsiú saothar na ndaltaí.
- Beidh saothair na ndaltaí le feiceáil ar shuíomhanna scoile i gcomhtéacs oideachasúil.
- Ní fhoilseofar grianghraif dhigiteach, téipeanna fuaime nó gearrthóga físe de dhálta aonair ar shuíomhanna na scoile. In ionad sin, beidh siad ag díriú ar ghníomhaíochtaí grúpa. Ní ainmneofar daltaí aonair.
- Fágfar seoladh baile agus sonraí teagmhála na ndaltaí ar lár ó fhoilseacháin scoile.
- Leanfaidh daltaí ar agaidh le húinéireacht chóipchirt ar shaothar ar bith a fhoilseofar.
- Le linn na scoilbhliana, iarrtar an tuismitheoirí / ar chaomhnóirí gan aon ghrianghraif de pháistí, seachas a gcuid féin, a chur ar á meáin shóisialta gan cead. Áirítear anseo grianghraif a ghlac siad féin ag imeachtaí scoile nó grianghraif roinnte ag an scoil.

Reachtaíocht:

Níl aon reachtaíocht ar leith a rialaíonn sábháilteacht Idirlín ag leibhéal scoile. Ag déanamh an cheist seo níos casta, tá an fhíric go bhfuil an Idirlín ag feidhmiú i gcomhthéacs domhanda ach oibríonn an dlí i gcomhthéacs áitiúil. Mar sin féin áfach, tá roinnt reachtaíochta ann a bhfuil baint acu le sábháilteacht an Idirlín. Is féidir cóipeanna de na hAchtanna seo a fháil ar-líne. Ba chóir do na múinteoirí, na daltaí agus na tuismitheoirí iad féin a dhéanamh eolach ar na hAchtanna seo. Cuirtear síos orthu go gairid mar a leanas:

An tAcht um Gháinneáil ar Leanaí agus Pornagrafaíocht, 1998: Reachtaíonn an Acht in aghaidh duine ar bith a tháirgeann, a phriontálann, a fhoilsíonn, a dháileann, a easpórtálann, a iompórtálann, a thaispeánann, a bhfuil pornagrafaíocht de pháistí aige nó a dhíolann a leithéid.

http://www.irishstatutebook.ie/1998_22.html

1993 An tAcht Idirghabhála: (An tAcht um Post-Paicéid agus Teachtaireachtaí Teileachumarsáide a Thascradh (Rialáil) 1993). Sonraíonn an Acht seo gur féidir teachtaireachtaí Teileachumarsáide a

idirghabháil do chuspóirí fiosrúcháin ar choir thromchúiseach. Tá údárú faoi réir ag coinníollacha éagasúla. http://www.irishstatutebook.ie/1993_10.html

An tAct um Thaifeadadh Físe 1989: Cuireann Acht um Thaifeadadh Físe, 1989, cosc ar scaipeadh físeáin ina bhfuil ábhar gáirsiúil nó míghéanach a d'fhéadfadh dhul i dtreo díobháil agus truailliú an lucht féachana. <http://www.irishstatutebook.ie/ZZA22Y1989.html>

An tAcht um Chosaint Sonraí 1988: Reachtaíodh an tAcht seo chun deileáil le ceisteanna príobháideachta a bhí ag teacht chun cinn de bharr an méid faisnéise a bhí a choinneáil ar ríomhaire fá dhaoine aonair. <http://www.irishstatutebook.ie/ZZA25Y1988.html>

Smachtbhannaí:

- Má bhristear ceann ar bith de na coinníollacha/rialacha thuasluaite, beidh cosc sealadach nó buan ar an Idirlíon agus/nó ar úsáid ríomhairí.
- D'fhéadfadh bearta smachta breise a bheith glactha de réir cleachtas scoile reatha atá ceadaithe.

Athbhreithniú Polasaí

Déanfar polasaí Scoil Phádraig ar Úsáid Inghlactha a athbhreithniú go rialta le déanamh cinnte go bhfuil sé ag comhlíonadh reachtaíocht reatha agus cleachtas na scoile. Beidh an t-athbhreithniú faoi threoir na foirne ceannaireachta i gcomhairle le lucht bainistíochta agus foireann na scoile, daltaí agus tuismitheoirí/caomhnóirí.

Daingniú agus Cumarsáid

Rinne Bord Bainistíochta Scoil Fhionáin an polasaí athbhreithnithe seo a dhaingniú ag a chruinnú ar an 8/6/20. Beidh cóip ar fáil ar shuíomh gréasáin na scoile.

Rinne Bord Bainistíochta an polasaí seo a dhaingniú ag a chruinniú ar an 8^ú Meitheamh 2020

Sínithe: _____

Dáta: _____